

Կողմ -----

Միավոր -----

**Պատմության օլիմպիադայի հանրապետական փուլ (2025-2026 ուստարի)
9-րդ դասարան (տևողությունը՝ 180 րոպե)**

*Ընտրովի պատասխանով հարցեր (յուրաքանչյուր ճիշտ պատասխան
0,5 միավոր), ճիշտ պատասխանը վերցրե՛ք օղակի մեջ*

1. Ո՞ր թվականին է ձևավորվել Անդրկովկասի Մեյմը:
1) 1917թ. 2) 1918 թ. 3) 1929 թ. 4) 1922 թ.
2. Ո՞վ էր Առաջին համաշխարհային պատերազմի ժամանակ հայերի կողմից ձևավորված Արարատյան գնդի ղեկավարը:
1) Անդրանիկը 2) Դրոն 3) Վարդանը 4) Հ. Արղությանը
3. Հայոց ցեղասպանության ընթացքում ո՞ր բնակավայրի հայկական գյուղերի բնակչության մեծ մասը բարձրացավ Մուսա լեռ՝ դիմելով ինքնապաշտպանություն:
1) Վանի 2) Սուետիայի 3) Ուրֆայի 4) Շապին-Գարահիսարի
4. Ո՞րքան էր Հայաստանի Հանրապետության բնակչության թիվը 1920 թ. կեսին:
1) 2 մլն 2) 2,8 մլն 3) 3 մլն 4) 3,5 մլն
5. Մանրանկարչության և որմնանկարչության մեջ տեսարաններ և հորինվածքներ, որոնք հիմնված են Նոր կտակարանային պատմության վրա և լուսաբանում են Քրիստոսի երկրային կյանքի կարևոր դրվագները կոչվում են.
1) Լուսանցազարդ 2) Կենդանագիր 3) Որմնանկար 4) Տերունական պատկեր
6. Ե՞րբ է Խորհրդային Հայաստանում առաջին անգամ պետականորեն նշվել Հայոց ցեղասպանության տարելիցը:
1) 1925 թ. 2) 1935 թ. 3) 1965թ. 4) 1975 թ.
7. Ո՞ր արքայի օրոք է Հայոց կաթողիկոսությունը դարձել անկախ Կեսարիայից.
1) Տրդատ III 2) Խոսրով III 3) Արշակ II 4) Պապ
8. Ո՞ր թվականին է կնքվել Արևմտյան Հայաստանում բարենորոգումների վերաբերյալ ռուս-թուրքական համաձայնագիրը:
1) 1911թ. 2) 1912 թ. 3) 1913թ. 4) 1914 թ.
9. Ո՞ր թվականին է տեղի ունեցել Մառնի ճակատամարտը:
1) 1914թ. 2) 1915 թ. 3) 1916թ. 4) 1917թ.
10. Ո՞վ է «Շահնամե» էպոսագներիգության հեղինակը:
1) Ռուդափին 2) Ֆիրդուսին 3) Օմար Խայամը 4) Իբն Սինան
11. Ո՞րտեղ էր գտնվում Ազգերի լիգայի կենտրոնակայանը:
1) Փարիզում 2) Ժնևում 3) Լոնդոնում 4) Վաշինգտոնում
12. Ճորտատիրական իրավունքը վերացնելու համար ռուսաց ո՞ր կայսրն է ստացել Ազատարար մականունը:
1) Պյոտր I 2) Ալեքսանդր I 3) Ալեքսանդր II 4) Նիկոլայ II



Անուն, Ազգանուն՝ _____ Դասարան՝ _____
Դպրոց՝ _____, Կողմ՝ _____

Կարճ պատասխանով առաջադրանքներ

13. Ըտրե՛ք այն պնդումները, որոնք ճիշտ են (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա. Երիտթուրքերը 1889 թ. ստեղծել էին «Միություն և առաջադիմություն» կազմակերպությունը՝ նպատակ ունենալով Օսմանյան կայսրությունը կապիտալիստական սահմանադրական պետության:
- բ. Փարիզի խորհրդաժողովում հայերի շահերը ներկայացնում էին Պողոս Նուբարի գլխավորած ՀՀ և արևմտահայերին և գաղթաշխարհին ներկայացնող Ազգային պատվիրակությունը, որը գլխավորում էր Ավետիս Ահարոնյանը:
- գ. 1948 թ. դեկտեմբերի 9-ին ՄԱԿ-ը ընդունել է «Ցեղասպանության հանցագործությունը կանխարգելելու և պատժելու կոնվենցիան», որը ցեղասպանության սահմանման իրավական հիմքն է:
- դ. Մեծ եղեռնի իրագործման առաջին փուլում թիրախ էր դարձել Օսմանյան կայսրության բանակում ծառայող հայ զինվորականությունը:
- ե. Երկրորդ համաշխարհային պատերազմի հենց սկզբում կազմավորվել էին հայկական հինգ դիվիզիաներ, որոնք մեծ ներդրում ունեցան հաղթանակի գործում:
- զ. Երկրորդ համաշխարհային պատերազմի ընթացքում Հայաստանում ևս ռազմական գործողություններ տեղի ունեցան, ուստի Խորհրդային Հայաստանը ևս իր լուրջ ներդրումն ունեցավ հիտլերյան Գերմանիայի դեմ պայքարում:
- է. Տաթևի վանքում 1921թ. ապրիլի 27-ին հրավիրված համագանգեզուրյան II համագումարը որոշում է Ինքնավար Սյունիքը հռչակել Հայաստանի Հանրապետություն, իսկ վարչապետ է դառնում Գ. Նժդեհը:

--	--	--

14. Ըտրե՛ք այն տարբերակները, որոնցում պատճառահետևանքային կապը ճիշտ է ներկայացված (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա. Դվինի առաջին (506 թ.) և երկրորդ (554թ.) ժողովների ժամանակ Հայոց եկեղեցին, մերժելով քաղկեդոնականությունը և նեստորականությունը, տարանջատվեց թե՛ մեկից, թե՛ մյուսից՝ ձեռք բերելով իր անկախությունը:
- բ. Ալի Արսլանի արշավանքների հետևանքով թուլացան Պարսկաստանի և Բյուզանդիայի արևելյան պաշտպանական զծերը, հեշտացավ Հայաստանի ու Փոքր Ասիայի նվաճումը:
- գ. 924 թ. հայկական զորքերը ջախջախիչ հաղթանակ տարան արաբների նկատմամբ, որից հետո Հայաստանը հասավ Արաբական խալիֆայության գերիշխանության լիակատար թոթափմանը:

- դ. 1913 թ. սկսված Բալկանյան պատերազմները Օսմանյան կայսրությանը ներքաշում են քաղաքական ճգնաժամի մեջ, կայսրության վրա տերությունների գործադրած ճնշումն ուժգնանում է և միառժամանակ դուրս է մղվում հայկական հարցը:
- ե. 1919 թ. հուլիսի 5-ին թուրքական դատարանը մահապատիժ սահմանեց հայերի կոտորածների հիմնական կազմակերպիչների՝ Թալեաթի, Էնվերի, Սայիդ Հալիմի և Բեհաեդդին Շաքիրի համար :
- զ. 1920 թ. օգոստոսի 10-ին ԱՄՆ նախագահ Վ. Ուիլսոնը ստորագրում է հայ-թուրքական սահմանագծի վերաբերյալ իր իրավարար վճիռը, որով Հայաստանին էին անցնում Վանի, Բիթլիսի, Էրզրումի, և Տրապիզոնի նահանգների մեծ մասը:
- է. ՀՄԽՀ-ում նեպ-ի գործադրումը նպաստում է տնտեսության վերականգնմանը և 1928 թ. այն հասնում է 1913 թ. մակարդակին:

--	--	--

15. Նշե՛ք այն տարբերակները, որոնցում տերմինը ճիշտ է բացատրված (յուրաքանչյուր ճիշտ պատասխան՝ 0,5 միավոր, ընդհանուր 1,5 միավոր):

- ա. Բաներիտ դպրոց – արդյունաբերական վայրում երիտասարդ բանվորների համար հետճաշյա հատուկ դպրոց:
- բ. Մոդեռնիզմ - 20-րդ դարի արվեստի ուղղություն, որը հենվում է դասական ավանդույթների վրա:
- գ. Նացիոնալ–սոցիալիզմ - Հասարակության, պետության մեջ մեկ մարդու դերի գերազնահատումը, փառաբանումը, կենդանության օրոք նրան պատմական զարգացման ընթացքի վրա ուռճացված ազդեցություն վերագրելը:
- դ. Մոնումենտալ քանդակ - չափերով փոքր քանդակ, որը մշակվում է բոլոր կողմերից:
- ե. Ռեպարացիա - Պատերազմում պարտված երկրի կողմից հաղթող երկրին/երկրներին կատարվող ֆինանսական և նյութական փոխհատուցումներ:
- զ. Գաղութ -Երկիր կամ տարածաշրջան, որը որևէ տերության գերիշխանության ներքո է, գրկված է ինքնուրույն զարգացման հնարավորությունից և ենթարկվում է տնտեսական շահագործման:
- է. Ամբողջատիրություն (տոտալիտարիզմ) - Ազգայնամոլական ծայրահեղական գաղափարախոսություն, որն առաջացել է Իտալիայում՝ ի հակադրություն ազատականության և համայնավարության:

--	--	--

16. Դասավորե՛ք ժամանակագրական ճիշտ հերթականությամբ (1 միավոր):

- ա. Կ. Պոլսում Բաբ Ալիի ցույց

--	--	--	--	--	--	--
- բ. Թալեաթի սպանությունը Բեռլինում
- գ. Թուրքմենչայի հաշտության պայմանագրի կնքում
- դ. Հայերեն առաջին տպագիր գրքի հրատարակում
- ե. Բաթումի պայմանագրի կնքում
- զ. Հոկտեմբերյան հեղափոխություն
- է. Վերսալյան հաշտության պայմանագրի կնքում

Վերլուծական հարցեր

17. Համապատասխանեցրե՛ք պայմանագրերը/համաձայնագրերը բովանդակության հետ: (Յուրաքանչյուր ճիշտ պատասխան՝ 0,3 միավոր, ընդհանուր՝ 1,5 միավոր)

Պայմանագիր/համաձայնագիր	Բովանդակություն
1. «Սրտագին և անկեղծ բարեկամության մասին» պայմանագրի նախագիծ	ա. Ղարաբաղի, Ջանգեզուրի, Նախիջևանի վիճելի տարածքները ժամանակավորապես պետք է հսկեին բոլշևիկյան ուժերը
2. 1920 թ. օգոստոսի 10-ին Թիֆլիսում ՀՀ և Խորհրդային Ռուսաստանի միջև կնքված համաձայնագիր	բ. Բոլշևիկները ճանաչում են թուրքական ազգային ուխտը, համաձայնվում են դրամական և ռազմական աջակցություն տրամադրել քեմալականներին :
3. Բաթումի պայմանագիր	գ. Նախիջևանը փոխանցվում է Ադրբեջանի խնամակալությանը:
4. 1920թ. դեկտեմբերի 2-ին ՀՀ կառավարության և Բ. Լեգրանի միջև կնքված համաձայնագիր	դ. Հայաստանը հայտարարվում է սոցիալիստական անկախ հանրապետություն
5. Մոսկվայի պայմանագիր	ե. Արևմտյան Հայաստանի, Կարսի մարզի, Երևանի և Թիֆլիսի նահանգների զգալի տարածքներ անցնում են Թուրքիային

1	2	3	4	5

18. Լրացնե՛լ բացթողնված հատվածը (յուրաքանչյուրը 0,5 միավոր, ընդհանուր՝ 2,5 միավոր):

1991 թ. դեկտեմբերի 8-ին (1) ----- (n^օ ր քաղաքի) մոտակայքում գտնվող Բելոլժեժսկ բնակավայրում Ռուսաստանի, (2) ----- (n^օ ր երկրի) և (3) ----- (n^օ ր երկրի) նախագահները համաձայնագիր ստորագրեցին ԽՍՀՄ գոյությունը դադարեցնելու և (4) ----- (ի՞նչ) կազմակերպություն ստեղծելու մասին: Դեկտեմբերի 25-ին ԽՍՀՄ հանրապետությունները (5) ----- (n^օ րտեղ) ստորագրեցին նոր կազմակերպության ստեղծման մասին հռչակագիր:

19. Նշե՛ք Երկրորդ համաշխարհային պատերազմի 2-ական պատճառ և հետևանք (յուրաքանչյուրը 0,25 միավոր, ընդհանուր՝ 1 միավոր):

Պատճառ	Բացասական/Հետևանք
1.	1.
2.	2.

20. Ներկայացրե՛ք նշված կառավարիչների արտաքին քաղաքականության 2 օրինակ (յուրաքանչյուրը 0,25 միավոր, ընդհանուր՝ 1 միավոր):

Մլեհ (1170-1175)	Լևոն I Մեծագործ (1198-1219)
1.	1.
2.	2.

21. Ներկայացրե՛ք 2 գործողություն, որ տեղի է ունեցել նշված երկրներում 20-րդ դարի 1-ին կեսին (յուրաքանչյուրը 0,25 միավոր, ընդհանուր՝ 1 միավոր):

Չինաստան	Ճապոնիա
1.	1.
2.	2.

22. Ճանաչի՛ր նկարը և ներկայացրո՛ւ իրադարձությունը: (2,5 միավոր)



Հարցեր

(1) Ո՞ր իրադարձությանն է նվիրված լուսանկարը: Ովքե՞ր են լուսանկարի առաջին շարքում (ձախից 4 հոգի):

(2) Ե՞րբ և որտե՞ղ է ստորագրվել համաձայնագիրը:

(3) Ի՞նչ փոփոխություն առաջացրեց այն:

23. Աշխատանք սկզբնաղբյուրի հետ. կարդացե՛ք և պատասխանե՛ք հարցերին.

Խոսել սկսեցին ----- և ասացին. «Արիացե՛ք, մի՛ երկնչեք, հետևեցե՛ք մեզ, եթե հասել է մեր վախճանը, քաջաբար մեռնենք, որովհետև մեզ համար ավելի լավ է արիությամբ պարիսպներից դուրս մեռնել, քան այստեղ, մեր աչքերի առաջ տեսնել մեր ընտանիքների ու բարեկամների մահը և այլ դժնդակություններ»։ Այս խոսքերն ասեցին և իրենք ամենից առաջ շտապ դուրս եկան պարսպի գաղտնի դռնով, և երեք հարյուր զինվածները հետևեցին նրանց։

Երեք հարյուր զինյալներ նախ հարձակվեցին աջակողմյան գնդի վրա՝ աջ ու ձախ կոտորելով։ [Թուրքական բանակում] բոլորը զարհուրած և սասանած ասում էին մեկը մյուսին՝ ով կարող է կյանքը փրկել թող փախչի։

1. Ո՞ր ճակատամարտ-պաշտպանության ընթացքն է նկարագրում մեջբերված խոսքերը։ Ե՞րբ է այն տեղի ունեցել (1 միավոր)։

2. Ո՞վ էր այդ ժամանակ տվյալ ազատագրական պայքարի ղեկավարը։ Ովքե՞ր էին կոչի հեղինակները (1 միավոր)։

3. Ի՞նչ ձեռքբերումներ ունեցանք այդ ազատագրական պայքարի շնորհիվ (գրեք 2-ը) (1 միավոր)։

(1) -----

(2) -----

24. Աշխատանք սկզբնաղբյուրի հետ. կարդացե՛ք և պատասխանե՛ք հարցերին.

«Ռուսաստանի դեմ պատերազմը գերմանական ժողովրդի գոյության համար պայքարի կարևորագույն փուլերից է։ Մա գերմանների հին կռիվն է ընդդեմ սլավոնականության, եվրոպական մշակույթի պաշտպանությունն է ընդդեմ մոսկովյան-ասիական արշավանքի, պաշտպանություն հրեական բոլշևիզմից։ Այս պատերազմի նպատակն է այսօրվա Ռուսաստանի ջախջախումը, ահա թե ինչու այն պետք է մղվի չտեսնված դաժանությամբ»։

1. Ո՞ր պլանի հավելվածից է մեջբերված հատվածը, ո՞վ է հաստատել այդ պլանը (1 միավոր)։

2. Ու՞մ դեմ էր պլանն ուղղված։ Ե՞րբ սկսվեց դրա գործադրումը (1 միավոր)։

3. Նշե՛ք մեկ միջանկյալ հաջողություն և մեկ ձախողում, որ եղան այդ պլանի գործադրման արդյունքում (1 միավոր)։

25. Աշխատանք քարտեզի հետ



1. Ո՞ր պայմանագրով է հաստատվել ընդգծված սահմանը Հայաստանի, Վրաստանի և Թուրքիայի միջև (1 միավոր):

2. Ե՞րբ և ովքե՞ր են ստորագրել պայմանագիրը (1 միավոր):

3. Ո՞ր գետերով էր անցնելու Հայաստանի և Թուրքիայի միջև սահմանը (1 միավոր):

(1) ----- (2) -----

Պատմության օլիմպիադայի

Հանրապետական հանձնաժողովի նախագահ՝

պ.գ.թ. Գևորգ Կեսոյան

27.03.2026 թ.